



Republika e Kosovës
Republika Kosova-Republic of Kosovo
Qeveria - Vlada - Government

Këshilli i Ministrave për Reformën e Administratës Publike

PROCESVERBAL

**i Mbledhjes së dt. 3 Nëntor 2015 të
Komisionit Ministror të Reformës së Administratës Publike**

Mbledhja e KMRAP është kryesuar nga Z. Mahir Yagcilar, Ministër i Administratës Publike

Hyrje dhe miratimi i agjendës

Takimi i pestë i Këshillit të Ministrave për Reformën e Administratës Publike e hap nga Ministri Yagcilar, i cili fillimisht përshëndeti dhe falënderoi të pranishmit për kontributin e tyre, duke kërkuar nga ta një përkushtim edhe më të madh për reformimin e administratës publike.

Në vazhdim njoftoi që Qeveria tashmë ka aprovuar Strategjinë për Modernizimin e Administratës Publike për periudhën 2015-2020 si dhe Planin e saj të Veprimit për periudhën 2015-2017. Andaj, duke pasur parasysh zhvillimet në këtë fushë, por edhe vështirësitë e vendit drejt integritetit evropian, në këtë fazë po kalohet nga reformimi i administratës publike në modernizimin e saj, që nënkupton një qasje të re në ndarjen e fushëveprimit, duke u fokusuar në: **Zhvillimin dhe koordinimin e politikave dhe legjislacionit; Shërbimin civil, menaxhimin e burimeve njerëzore, ofrimin e shërbimeve publike administrative dhe ri-organizimin dhe llogaridhënien; si dhe Menaxhimin e Financave Publike.**

Në vazhdim njoftoi se Strategjia për Modernizimin e Administratës Publike përqendrohet në arritjen e rezultateve të synuara nën shtyllën e dytë e cila lidhet me shërbimin civil, menaxhimin e burimeve njerëzore, ofrimin e shërbimeve publike administrative dhe llogaridhënien në administratën publike.

Po ashtu, njoftoi që në takimet e Grupit të Veçantë për Reformën e Administratës Publike – takime këto bilaterale midis institucioneve të Republikës së Kosovës dhe Komisionit Evropian, kanë rezultuar një varg konkluzionesh në formë aktiviteteve, të cilat jemi zotuar që t'i realizojmë. Ashtu sikurse keni vërejtur me dokumentin e përcjellur sa i përket këtyre konkluzioneve, aty përfshihen aktivitete nga fusha e Kornizës Strategjike për Reformën e Administratës Publike dhe Koordinimit të Politikave, nga fusha e përgatitjeve për përkrahje buxhetore sektoriale, në domenin e ofrimit të shërbimeve, për llogaridhënie si dhe për shërbime publike dhe menaxhimin

e burimeve njerëzore. Më lejoni të përsëris se këto aktivitete jemi zotuar t'i realizojmë dhe shpresoj se deri më dt. 24 nëntor 2015 kur pritet të zhvillohet takimi i radhës së Grupit të Veçantë, ne do të jemi në gjendje të raportojmë për të arritura jo vetëm formësore por edhe substanciale.

Gjithashtu, në bashkëpunim me Ministrinë e Integritetit Evropian është përgatitur një Draft-dokument ku janë propozuar rreth tetë (8) Indikatorë për të cilët duhet të negociohet me Komisionin Evropian për mbështetje financiare. Përmes zbatimit të këtyre Indikatorëve do të kemi mundësinë e rimbursimit të mjeteve financiare nga Komisioni Evropian.

Më pastaj fjalën e mori Zv. Ministri i Integrimeve Evropiane, z. Ramadan Ilazi, lidhur me vendosjen dhe zbatimin e Indikatorëve, i cili kërkoj që fillimisht të definohen qartë përgjegjësitë dhe kostoja buxhetore e secilit institucion që është i përfshirë në këtë proces dhe pastaj të ftohet një takim tjetër i KMRAP për aprovimin e tyre.

Lidhur me financimin e këtyre indikatorëve fjalën e mori z. Florim Canolli, i cili theksoi se përgjegjësin për mbështetje financiare të këtyre indikatorëve e ka Ministria e Financave, po ashtu duke përfshirë edhe koston për klasifikimin e vendeve të punës.

Sa i përket përcaktimit të indikatorëve. Z. Fitim Sadiku njoftoi që Ministria e Administratës Publike ka propozuar katër (4) indikatorë për të cilët jemi zotuar që do t'i zbarojmë. Në disa prej tyre veç se kemi filluar të punojmë, mirëpo realizimi i tyre ka nevojë për mbështetje financiare dhe kjo çështje duhet të vendoset në nivelin politik, ndërsa klasifikimi i vendeve të punës nuk do të ketë zbatim të drejtë nëse nuk sigurohen mjetet financiare.

Pjesa përfundimtare e takimit

Në vazhdim të takimit, Ministri Yagcilar i falënderoi të pranishmit për punën dhe angazhimin e tyre në procesin e reformës së administratës publike dhe kërkoj një angazhim edhe më të madhë në realizimin e objektivave të Strategjisë dhe Planit të Veprimit për Modernizimin e Administratës Publike, si dhe përgatitjet për takimin e radhës të Grupit të Veçantë për Reformën e Administratës Publike që do të mbahet më dt. 24 nëntor 2015.

Konkluzionet

Konkluzionet e përgjithshme nga ky takim janë:

- (1) Në bashkëpunim me Ministrinë e Financave të sigurohet mbështetja financiare të Indikatorëve të përcaktuar të cilët do të rimbursohen nga Komisioni Evropian.
- (2) Aprovimi i Indikatorëve të bëhet në takimin e radhës të Këshillit të Ministrave për Reformën e Administratës Publike.
- (3) Përgatitjet për takimin e radhës të Grupit të Veçantë për Reformën e Administratës Publike (GVRAP) që do të mbahet më dt. 24 nëntor 2015.

Pjesëmarrës:

Anëtarët e KMRAP

1. Z. Mahir Yagcilar, Ministër i MAP
2. Z. Ramadan Ilazi, Zv. Ministër i MIE
3. Z. Avni Kastrati, Zv. Ministër i MTI

Pjesëmarrës të tjerë:

Fitim Krasniqi, SP (ZKM)
Fitim Sadiku, SP (MAP)
Arben Krasniqi, Drejtor (ZKM)
Florim Canolli, Drejtor (MIE)
Skender Sallauka (MAP)
Ebru Zborca (MAP)
Bardha Rustemi (MAP)
Ibadete Mehmeti (MAP)
Gafurr Hasani (MAP)
Driton Blakçori (MAP)
Visar Xani (MAP)

Aneks:

Këtij procesverballi i bashkëngjitet edhe agjenda e takimit.

.....
Sekretariati i KMRAP

AGJENDA

3 Nëntor 2015

Këshilli i Ministrave për Reformën e Administratës Publike (KMRAP)

3 Nëntor 2015

Vendi: Ndërtesa e Ish-Rilindjes, Salla 512

Rendi i ditës

- | | |
|--------------------------------|--|
| 14.00 - 14.10 | Fjala hyrëse
Z. Mahir Yagcilar, Ministër i Administratës Publike
- Kryesues i Këshillit të Ministrave për RAP |
| 14.10– 14.30
(SMAP) | Implementimi i Strategjisë për Modernizimin e Administratës Publike
2015-2020
- <i>Diskutim</i> |
| 14:30 – 14:50 | Aprovimi i Indikatorëve në lidhje me mbështetjen buxhetore sektoriale
- <i>Diskutim</i> |
| 14:50 – 15:00 | Përgatitjet për grupin e Veçantë për Reformën e Administratës Publike
(GVRAP)
- <i>Diskutim</i> |
| | Çështje tjera për diskutim |